

SCRIPT OF MORNING GOJRI NEWS BULLETIN 14APRIL 2025

1015HRS

مارننگ گو جری نیوز بلیٹن مورخہ 14 اپریل 2025

یوہ آکا شوانی جموں ہے مشطاق حسین تیں خبر سُنو۔

AMBEDKAR JAYANTI

بھارتی آئین غا معمار ڈاکٹر بی آر امبیدکر نانہہ اج اُن کی ۴۳۱ ویں یام پیدائیش ور قوم خراج عقیدت پیش کر رہی ہے صدر جمہوریہ درویدی مرمو نائب صدر جگدیپ دھنکڑ وزیر اعظم نریندر مودی لوک سبھا سپیکر اوم برلا اراکین پارلیمنٹ تے دیگر معززین اج پارلیمنٹ ہاوس کمپلیکس مانہہ بابا صاحب گا مجسمہ ور پھل چڑھاویں گا ڈاکٹر بھیم راؤ امبیدکر ہورا سماجی بدلاؤ ماہر اقتصادیات سیاست دان تھا جنہاں نے اپنی ساری زندگی عام لوکاں واسطے وقف کردتی بابا صاحب ہورا نے سماج گا پسماندہ طبقات گے خلاف سماجی ذات پات گا امتیاز نانہہ ختم کرن واسطے پوری زندگی کم کیو۔ وے آزاد ہندوستان گا پہلا وزیر قانون تے انصاف وی رپا اُنہاں نانہہ ۰۹۹۱ مانہہ بعراز معگ بھارت گا اعلیٰ ترین شہری اعزاز بھارت رتن تیں نوازیو گیو۔

PREZ AMBEDKAR

صدر درویدی مرمو نے ڈاکٹر بی آر امبیدکر ہوراں کی یوم پیدائیش غا موقع ور تمام ہم وطنان نانہہ مبارک باد پیش کی ہے۔ اپنا ایک پیغام مانہہ صدر مملکت نے کہیو کہ بابا صاحب ہورا کی متاثر کُن زندگی مانہہ اُنہاں نے بڑی مشکلات گو سامنو کرن گے باوجود اپنی ایک الگ پہچان بنائی تے اپنا غیر معمولی کارناماں سنگ دنیا بھر مانہہ عزت حاصل کی۔

PM AMBEDKAR

وزیر اعظم نریندر مودی نے اج ڈاکٹر بی آر امبیدکر نانانہہ اُن کی یوم پیدائیش ور خراج عقیدت پیش کیو۔ ایک ٹویٹ پیغام مانہہ وزیر اعظم نے کہیو کہ ڈاکٹر امبیدکر کی تحریکاں کی وجہ توں ہی ملک اج سماجی انصاف گا کواب نانہہ پورو کرن مانہہ پوری لگن سنگ معروف ہے وزیر اعظم نے کہی وکہ ڈاکٹر امبیدکر غا اصول تے نظریات ایک خود مختار تے ترقی یافتہ بھارت کی تشکیل نانہہ طاقت تے رفتار دیں گا۔

PM HARYANA

وزیر اعظم نریندر مودی امبیدکر جینتی غا موقع ور اج ریاست پر مانہہ گو دورو کریں گا۔ اس موقع ور وے اُت ہیسار توں ایودھیا واسطے تجارتی پرواز نانہہ ہری جھنڈی دسیں گا تے حصار ہوائی اڈہ کی نوی ٹرمینل عمارت گو سنگ بنیاد رکھیں گا وزیر اعظم مودی اُت ایک جلسہ سنگ وی خطاب کریں گا۔ اُس توں بعد وزیر اعظم ہمانگر مانہہ ترقیاتی پروجیکٹاں گو افتتاح تے سنگ بنیاد رکھیں گا تے اُت ایک ہور اجتماع سنگ وی خطاب کریں گا۔ گوبردھن اسکیم غا ویژن نانہہ اگے بدھاتاں واں وزیر اعظم کمپریسڈ بایو گیس پلانٹ گو سنگ بنیاد وی رکھیں گا۔

LG AMBEDKAR

لیفٹیننٹ گورنر منوج سنہا نے وی ڈاکٹر بی آر امبیدکر کی یوم پیدائش کا موقع پر عوام نانہہ مبارک باد پیش کی ہے۔ مہاراجا اکاشوانی کا نامہ نگار نے خبر دی ہے کہ ایل جی منوج سنہا نے اپنا پیغام مانہہ ڈاکٹر امبیدکر نانہہ بھارتی آئین کا معمار اور بیان کرتا کہیو کہ انہاں نے بھارت کی تقدیر نانہہ تشکیل دینمانہہ کلیدی کردار ادا کیو انہاں نے شہریاں اور زور دتو کہ وے بابا صاحب کی اعلیٰ اقدار نانہہ برقرار رکھتا واں اپنا آپ نانہہ دوبارہ وقف کریں۔

CM AMBEDKAR

وزیر اعلیٰ عمر عبداللہ نے بھارت رتن ڈاکٹر بی۔ ایم۔ راؤ امبیدکر کا یوم پیدائش اور لوکاں نانہہ مبارک باد پیش کی ہے۔ اپنا ایک پیغام مانہہ وزیر اعلیٰ نے کہیو کہ ڈاکٹر امبیدکر نے اپنی پوری زندگی پسماندہ طبقاں کی ترقی واسطے وقف کردتی۔

TAWI ARTI

لیفٹیننٹ گورنر منوج سنہا نے کہیو کہ مندرائے گا شہر جموں مانہہ زندگی روایت ایک طاقتور روحانی تجربو پیش کریں انہاں نے مزید کہی وکہ شہر نانہہ خوبسورت بنان کی شرط یہ ہے کہ مقامی شہری اپنا شہر سنگ فخر تے محبت کریں گزشتہ شام توی ریور فرنٹ جموں مانہہ توی آرتی تے بیساکھی میلہ مانہہ شرکت کرتا واں ایل جی سنہا نے اپنا خطاب مانہہ توی ندی نانہہ جموں شہر کی روح قرار دتو انہاں نے کہیو کہ توی ریور فرنٹ اور آرتی کا آغاز سنگ ہی ماری قدیم ثقافت نانہہ بیدار کرن کی کوشش ہے تے مزید کہیو کہ انتظامیہ تے عوام نانہہ توی ندی نانہہ بحال کرن کو عزم کرنو وے گو تاکہ توی ریور فرنٹ نانہہ ایک منفرد مقام بنایو جاسک۔ اس موقع پر لیفٹیننٹ گورنر نے جموں سمارٹ سٹی لمٹیڈ کی طرفوں گزشتہ کئی برسوں توں جموں مانہہ کیا گیا ناقابل یقین کاموں اور وی گل بات کی جموں سمارٹ سٹی کا اسی ای او دیوانش یادو نے کہیو کہ تاریخی توں آرتی جموں شہر کی مزیدی روحانی سیاحت مانہہ ایک سنگ میل کے طور پر سامنے آئی ہے۔ تے شہر مانہہ ریور فرنٹ نانہہ سب توں زیادہ متحرک جگہ بنان واسطے بہت سارا اقدام چایا گیا ہیں انہاں نے مزید کہی وکہ کل شام توی آرتی مانہہ تقریباً ۵ ہزار لوکاں نے شرکت کی۔

MACHAIL MATA YATRA

ضلع کشتواڑ کی مچیل وادی مانہہ سری ماتا مندر کی عبادت گاہ نانہہ کل بیساکھی کا موقع پر یاتریاں واسطے دوبارہ کھول دتو گئیو ہے جہیڑو کہ سالانہ یاترا غو آغار ہے مندر کا دوبارہ کھلن کا موقع پر ایم ایل اے پندر ناگیسنی سنیل شرما ڈویژنل کمشنر جموں زمیش کمار تے ڈپٹی کمشنر کشتواڑ راجیش کمار شون نے شرکت کر کے ات پوجا کی۔

BUS NOWSHERA VIA SERI

نائیب وزیر اعلیٰ سریندر کمار چودھری نے گزشتہ روز جموں توں نوشہرہ توڑی سیری کے رستے بس سروس نانہہ ہری چنڈی دسی اس موقع پر خطاب کرتا واں نائیب وزیر اعلیٰ نے کہیو کہ جموں توں نوشہرہ توڑی روزانہ چلن آلی اس بس سروس توں اُن ہزاراں لوکاں نانہہ فائدو پوجے گو جنہاں نے پہلاں اس علاقہ مانہہ آن جان گا مانہہ سفر مانہہ کافی مشکلات کرنی پے تھی۔ انہاں نے کہیو کہ اس بس سروس واسطے مقامی لوکاں کی کافی عرصہ توں منگ تھی تے اس موقع پر اطمینان کا اظہار کرتا واں کہیو کہ حکومت عوام کی اُمنگاں نانہہ پورا کرن واسطے وعدہ بند ہے۔
